

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 129. sjednici, održanoj dana 11.11.2021. godine, d o n o s i

## **ZAKLJUČAK**

### **o usvajanju Programa kreditne linije investicijama u oblasti poljoprivrede i prehrambene industrije Ministarstva za poljoprivredu, šumarstvo i vodoprivredu**

#### **I.**

Usvaja se Program kreditne linije investicijama u oblasti poljoprivrede i prehrambene industrije Ministarstva za poljoprivredu, šumarstvo i vodoprivredu u iznosu od 400.000,00 KM (slovima: četiristotinehiljada konvertibilnih maraka) u cilju razvoja poljoprivrede i prehrambene industrije na području Zeničko-dobojskog kantona, koji čini sastavni dio ovog zaključka.

#### **II.**

Sredstva iz tačke I ovog zaključka prikupljena su iz dijela obnovljenog Fonda Revolving kredita Investiciono komercijalne banke dd Zenica po osnovu povrata novčanih sredstava iz Ugovora o komisionom poslovima broj: 05-24-26343/07 od 12.11.2007. godine.

#### **III.**

Zadužuje se ministar Ministarstva za poljoprivredu, šumarstvo i vodoprivredu da sa ASA bankom d.d. Sarajevo, pravnim sljednikom Investiciono komercijalne banke dd Zenica, zaključi Aneks 1 Ugovora o komisionim poslovima broj: 05-24-26343/07 od 12.11.2007. godine u skladu sa usvojenim Programom iz tačke I. ovog zaključka.

#### **IV.**

Zaključak stupa na snagu danom donošenja.

Broj: 02-\_\_\_\_\_/21  
Datum, 11.11.2021. godine  
Zenica

**PREMIJER**

*Mirnes Bašić*

DOSTAVLJENO:

1x Ministarstvo za poljoprivredu, šumarstvo i vodoprivredu,  
1x Ministarstvo finansija,  
1x ASA banka d.d. Sarajevo, putem Ministarstva,  
1x a/a.



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**MINISTARSTVO ZA POLJOPRIVREDU,**  
**ŠUMARSTVO I VODOPRIVREDU**

***PROGRAM***  
*kreditne linije investicijama u oblasti*  
*poljoprivrede i prehrambene industrije*

**Zenica, novembar 2021. godine**

## **PROGRAM**

kreditne linije investicijama u oblasti poljoprivrede i prehrambene industrije

### **Opći podaci o Programu**

1. Program je usvojen: Na 129. sjednici Vlade Zeničko-dobojskog kantona održanoj dana 11.11.2021. godine.
2. Period realizacije Programa: Kontinuirano do utroška sredstava
3. Ukupna vrijednost Programa: 400.000,00 KM
4. Namjena Programa: Omogućiti pristup povoljnim kreditnim sredstvima pravnim licima i obrtima koji se bave poljoprivrednom proizvodnjom i preradom poljoprivrednih proizvoda (prvi i drugi stepen prerade)
5. Korisnici Programa: Poljoprivredni proizvođači koji imaju registrovani obrt u poljoprivrednoj djelatnosti kao osnovnu djelatnost i pravna lica registrovani za poljoprivrednu djelatnost
6. Izvor sredstava: Sredstva deponovana na žiro računu ASA banke d.d. Sarajevo
7. Nosilac Programa: Ministarstvo za poljoprivredu, šumarstvo i vodoprivredu Zeničko-dobojskog kantona
8. Odgovorna osoba: Mirsad Hadžić, ministar

## UVOD

Programom kreditne linije za podršku investicijama u oblasti poljoprivrede i prehrambene industrije, omogućava se brži razvoj i veća ulaganja u prerađivačke kapacitete s ciljem organizovanog otkupa poljoprivrednih proizvoda od primarnih poljoprivrednih proizvođača sa području Zeničko-dobojskog kantona. Sredstva su deponovana na posebnom računu ASA banke d.d. Sarajevo sa kojom će biti potpisan Aneks 1 Ugovora o komisionim poslovima, kao vid nastavka kontinuirane saradnje za realizaciju Ugovora o ustupanju bankarskih poslova broj: 06-14-1559/99 od 21.10.1999. godine.

Pri izradi ovog Programa vodilo se računa o Zakonu o poljoprivredi („Službene novine Federacije BiH“, broj: 88/07, 4/10, 27/12 i 7/13) i prioritetima/mjerama iz Strategije razvoja Zeničko-dobojskog kantona 2021.-2027. godina, korišteni su sljedeći parametri:

- Proizvodne mogućnosti poljoprivrednih proizvoda na području Zeničko-dobojskog kantona;
- Mjere Strategije razvoja Zeničko-dobojskog kantona za period 2021.-2027.godina;
- Kontinuitet poticajnih mjera;
- Analize realizacije podrški u proteklom periodu;
- Mogućnosti plasmana poljoprivrednih proizvoda;
- Dosadašnja iskustva u kreditiranju poljoprivrednih proizvođača;
- Preporuke stručnih poljoprivrednih službi Ministarstva koje neposredno na terenu prate kretanja u poljoprivrednoj proizvodnji i prerađivačkim kapacitetima prehrambene industrije.

## I CILJEVI PROGRAMA

Osnovni cilj je podizanje konkurentnosti primarnih poljoprivrednih proizvoda. Specifični cilj ove je poboljšanje sveukupnog poslovanja kroz poboljšanje opreme za preradu na poljoprivrednom gazdinstvu i subjektima koji se bave doradom i preradom poljoprivrednih proizvoda, a što će rezultirati uvođenjem novih proizvodnih tehnologija i metoda proizvodnje, kao i podizanje standarda kvaliteta.

U Programu kreditne linije realizovat će se prioritetne mjere podrški po modelu konkurentnosti koje trebaju doprinijeti ispunjavanju sljedećih ciljeva u Zeničko-dobojskom kantonu:

- uspješnije uvođenje novih tehnologija,
- uvezivanje primarnih poljoprivrednih proizvođača sa prerađivačima (prehrambenom industrijom),
- povećanje otkupa poljoprivrednih proizvoda,
- povećan nivo korištenja ukupno raspoloživih resursa za poljoprivrednu proizvodnju,
- povećano upošljavanje u primarnoj poljoprivrednoj proizvodnji i prehrambenoj industriji
- povećanje finansijskih ulaganja u primarnu poljoprivrednu proizvodnju, a posebno u prehrambenu industriju.
- osiguranje stabilnog poljoprivrednog dohotka i omogućavanje adekvatnog životnog standarda poljoprivrednih proizvođača.

## II SVRHA PROGRAMA

Omogućiti kontinuirani pristup povoljnim kreditnim sredstvima pravnim licima i obrtima koji se bave poljoprivrednom proizvodnjom i preradom poljoprivrednih proizvoda (prvi i drugi stepen prerade).

Odobrena kreditna sredstva odobravat će se za nabavku:

- opreme za rashladne komore/hladnjače,
- sušare za povrće i voće,
- sortirnice/pakirnice za povrće, voće i prerađevine od istih,
- pakirnice začinskog i ljekovitog bilja,
- pakirnice meda i prerađevina na bazi meda,
- linije za mužu,
- laktofrizne stanice,
- opreme za preradu mlijeka,
- mješaone stočne hrane i
- osnovnog stada.

## III USLOVI I NAČINI ZA ODOBRAVANJE SREDSTAVA

Odobrena kreditna sredstva deponovana na računu ASA banke d.d. Sarajevo opredjelit će se poljoprivrednim proizvođačima koji imaju registrovani obrt u poljoprivrednoj djelatnosti kao osnovnu djelatnost i pravnim licima registrovani za poljoprivrednu djelatnost (u daljem tekstu: Korisnici), a prema sljedećim uslovima:

- koji obavljaju primarnu poljoprivrednu proizvodnju,
- koji poljoprivrednu djelatnost obavljaju na teritoriji Zeničko-dobojskog kantona.
- koji imaju stalno mjesto prebivališta ili imaju sjedište na području Zeničko-dobojskog kantona.
- upisani u RPG ili RK sa statusom poljoprivrednog gazdinstva, a u skladu sa Pravilnikom o upisu Registar poljoprivrednog gazdinstva i Registar klijenata („Službene novine Federacije BiH“, broj: 42/08).
- koji su izmirili svoja poreska i druga dugovanja prema Zeničko-dobojskom kantonu.

### **Kredit ima sljedeće karakteristike:**

- Finansiraju se isključivo stalna sredstva.
- Nominalna kamatna stopa je 2% fiksna na godišnjem nivou.
- Rok otplate do 5 godina (uključujući i grace period).
- Grace period je do 12 mjeseci ovisno o vrsti djelatnosti.
- Minimalni iznos kredita je 5.000,00 KM.
- Maksimalni iznos kredita za registrovane obrte i pravna lica je 50.000,00 KM.

**Način realizacije kredita:**

- Korisnik podnosi zahtjev ASA banci d.d. Sarajevo za kreditiranje investicijskog projekta banci, koja zahtjev razmatra i donosi odluku o odobravanju kredita.
- ASA banka odobrene investicijske projekte prosljeđuje Ministarstvu za poljoprivredu, šumarstvo i vodoprivredu Zeničko-dobojskog kantona na saglasnost o odobravanju kreditnih sredstava.
- ASA banka po dobijanju saglasnosti za odobrena kreditna sredstva, Korisniku vrši isplatu sredstava.
- ASA banka odobrava kreditne zahtjeve do utroška sredstava deponovanih na računu.

**IV IZVORI SREDSTAVA**

Izvor sredstava za realizaciju ovog Programa su deponovana revolving sredstva kod ASA banke d.d. Sarajevo u iznosu od 400.000,00 KM.

Broj: 02-\_\_\_\_\_ /21  
Datum, 11.11.2021. godine  
Zenica

**PREMIJER**

*Mirnes Bašić*

**DOSTAVLJENO:**

1x Ministarstvo za poljoprivredu, šumarstvo i vodoprivredu,  
1x Ministarstvo finansija,  
1x ASA banka d.d. Sarajevo, putem Ministarstva,  
1x a/a.